

KUMPUAN
RAMLEHHNAM
HUMHALH

YMA



CHANMARI WEST BRANCH YMA CHANCHINBU KAR TIN CHHUAK. VOL. XXIII. ISSUE NO.17 22th April 2012

Inter Branch YMA Football leh Basketball Tournament-ah tel dawn

Chanmari West, April 22 : Kan vengin chhiat kan tawh avanga Branch YMA Executive meeting neih tum chu thulh anih hnuah Ni 20.4.2012 zan khan NL Lalramengi te inah mitthi-in kal banah an thu a, Central YMA in Inter Branch YMA Football leh Basketball mipa tana a buatsaihah tel a tum. He meeting President Pu T. Ngurkhuma kaihhruaiah hian heng team te enkawl tur hian Organising Committee an din Chairman-ah Pu RL. Thanhnuna Branch Secretary a ni a, Secretary atan Branch Assistant Secretary Tv. Zairemmawia ruat a ni bawk. Member atan Branch OB te bakah Pu Lalrinliana, Pu C. Zonunsanga Pu RK. Rozidinga leh Pu Zonunsanga Branch Executive memberte chu ruat anni. Branch YMA chuan sum a neih loh avangin member zawng zawngten Rs 10 theuh thawh tura beisei an ni a, heng hi Section te khawn tura tih a ni.

Information mike hman dan siam that a ni a, hei hi veng chhung mite leh

Mi Chhuawm te

Tun tum Matric result chhuak a Mizoram pum puia palina Malsawmzuali Sailo, Saitluanga Sailo leh C Ral-kapthangi te fanu hi Ni 20.11.1995 khan a piang a, Taitesena Section-ah an cheng a ni. Home Mission School, Macdonald Hill, Zarkawt, Aizawl ah kum 2000 ah Nursery zir tan in, a zir bul tan atangin exam a hmachhawn zawng zawngah Distinction-ah la pass vek a ni. Class VII Board exam-ah pawh khan Subject zawng zawngah Letter Mark hmu in Distinction-ah a pass a ni. Lehkha thiam thei, hriatna tha leh taima em em Malsawmzuali hi kum 2007 a SSA leh LPS tang kawpin Mizoram pum huap Spelling-Bee Competition an buatsaihah khan Pakhatna alo ni tawh a, Kum 2011 a MZP-in High School Quiz an buatsaihah pawh pahnihna a ni. Heng bakah hian Mathematic leh Science subject-te tan a Proficiency Award, SCERT in an sem thin pawh alo dawng tawh bawk. Mathematic Society in Kum 2011 a Mathematics Competition a buatsaih ah pawh Top 10 ah a lang bawk a ni.

Nu leh pa thuawi, nunngil tak a ni a, Sunday School lamah pawh kum nga Honours zawnin kum sawm a kal kim a Pi Zaii Award leh Zalawra Medal pawh a dawng tawh bawk a ni.

New Horizon School of Education leh Liando Drama Club Mumbai kal
Ni 11-18 April 2012-a North East Children Theatre Festival, Mumbai-a neihah kan veng atangin heng a hnuia kan tarlante hi New Horizon School of Education leh Liando drama Club aiawhin an tel a ni.
1) HTLalchhandami d/o H. Lalbiakmawia 2) JH Lalrinfela s/o JH Zothansanga
3) F Lalremruata s/o Lalnunzama 4) Vanlalfaka s/o Lalremchhunga
5) Esther Lalchhanchhuahi s/o CLalsawmliana 6) Lalhruaitluanga s/o Zodingliana
7) Lalmuanawmi d/o Denzil Zosangliana 8) Lalchhanchhuahi d/o Lalhmuaki
9) Lalpeksanga S/o Thangrikhuma



Branch News

 Branch YMA in Census kan neih chu peih fel a ni ta.

 Kumin 2012 chhung atanakan Branch YMA Member zat chu 2635 kan ni.

 Tunlai hian kan vengchhungahrukruk leh thilbo a awm thin a, mitinte fimkhur turin kan innge.

 Matric result chhuakah kan vengchhung atanga Passed zawng zawngte kan lawmpui hle a ni.

LUSUN

1. Ni 16.4.2012 khan Pu R. Lalhankima kum 47 S/o R. Lalhlira 'T' Section, YMA Life Member chu a boral a, lusun chhungte kan tawrhpu hle.

2. Ni 17.4.2012 khan Emanuel Zairemmawia, thla 4 S/o Vanlalpeka 'CH' chu a boral a, lusun chhungte kan tawrhpu hle.

RUANG CHUAK

1. Ni 14.4.2012 khan Pi Kawlrithangi kum 47, Pu Lalrinchhana 'K' Section In luah chu a boral a, an khua Lehpanchhawng (Myanmar) ah thawn chhuah a ni.

2. Ni 18.4.2012 khan Samson Vanlalnunmawia, thla 5 S/o Lalvenhima chu Civil Hospital-ah a boral a, a ruang hi Pu R. Lalhingthang (Taitea) 'CH' Section te In atangin an khua Bungtlang panpui a ni.

PEM CHHUAK

1. Pu TC Lalremsiama te chhungku Pu Sainuna Sailo 'V' Section te In luah chu Chawnpui-ah an pem.

2. Pu Lalnunmawia te chhungku Pu F.Lala 'V' Section te In luah chu Ramthar ah an pem.

 **TUNKARCHANGAWN**
"A nih leh in taksa chu
Pathian hnen atanga in hmuh
Thlarau Thianghlim in a ni tih
in hre lo vem ni le? Mahni ta
pawh in ni tawh lova, mana lei
inni tawh asin."

I Korinth 6:19,20

Editorial Board

Editor:	J.Lalnangliana	9862399658
Joint Editor :	Lalchhandama	9862358347
News Editor :	Thangkhuma	9862303135
	R. Lalrinngheta	9862358337
	Jacob Lalrinsanga	9612319779
Cir.Manager :	Johny Lalthanpuia	9612359161
	EVL. Hruaitluanga	9862655426
Production Manager :	R.Lalhmachhuana	9436151817

Branch Office Bearer

President	T. Ngurkhuma	9436190843
Vice President	R. Lalhmachhuana	9436151817
Secretary	RL. Thanhnuna	9436152760
Asst. Secretary	Zairemmawia	9862385654
Treasurer	C. Lalzarliana	9436142049
Fin.Secretary	K. Darthantluanga	9436196071
Adviser-te :	Pu Lalbiakthanga Khiangte	
	Pu Rothuama, Pi Zamanthangi	
	Pu Lalrengpuia Sailo	

Editorial :

Mizote'n a Zirna Kawtchuah kan tih mai Pawl Sawm (matric) result-2012 chu a chhuak leh ta. Hlawhtling zawng zawnge kan lawmpui rualin, la hlawhtling ve hrih lote pawh beidawng mai lo va, beih hram hram a tha khawp mai. Matric pass tharte tan hian hmalam hun tur siam thiam a tul khawp mai. Nu leh pate paw'n kan fate rilru sukthlek kan hriatchian a ngai. Mi fate'n an zir ang hi kan fate tan a fuh ve kher lo thei. Duhthlan sual palh chuan damchhung atan a pawi thei tih hria a, kan fate kawng tur ngaihtuah uluk a ngai hle. Chutih rual chuan naupangte pawn kan tui zawng leh kan thiam zawng kan hriatchian a ngai. Thiante nena inrawi phura, admission tih ngawt chi a ni lo.

Tin, hlawhtlingte kan lawmpui rual hian mi dangte tana hmuh hrehawm khawpa khawsak loh a mawi khawp mai

Editor pawh Chanmari Pastor Bial Khawmpuina Edenthal kohhran lamah a buai hle. Thlarau lam malsawmna a dawn ngei kan duhsak.

2012 Thuvawn

I awmdan tur chu LALPA chungah nghat la; Amah chu ring la, aman a ti vek ang.

Article :**YMA KUMPUAN****“RAM LEH HNAM HUMHALH”**

T. Ngurkhuma

YMA Conference vawi 66-na Kolasib a neih chuan, a vawi 7 na atan Kum 2012 YMA Kumpuan atan “Ram leh Hnam Humhalh” chu a puang leh ta a. YMA Conference dawn khan kan Branch Executive Committee pawhin he kumpuan rawtna hi lungrual takin Central YMA ah a thlen a. Kan duh ang ngeiin kumpuan atan thlan a ni ta. Chuvangin he kumpuan hi a rawtu zinga kan tel ve avangin tha taka bawhzui hi kan ba leh zual a ni. Kan ngaih pawimawh a, a hlawhtlin nana tan kan lak nasat pawh a tul hle mai. “Chanmari West Branch YMA Kumpuan” pawh ti ila a sual tam awm love.

Mizoram khawpui ber Aizawl a veng pakhat Chanmari West-ah kan cheng a. He kan chenna veng hi veng nuam tak leh muanawm, inlungual leh hlim tlang taka kan khawsak ho theih nana kan thawk thin hi a thain a ropui khawp mai. Kan tihtur dik tak pawh a ni. Amaherawhchu kan khawtlang nawm sakna leh thatna chauh thlira ngaihtuahna hmang a, kan Ram leh Hnam tan a, Chanmari West ramri pela ngaihtuahna kan sen loh chuan eng ang pawhin thawkrim mah ila kan veng, kan khawtlang nun leh kan chhungkaw nun hi a nuam tak tak ngai loveng. Chuvangin keini YMA te, Zoram hmasawnna ngaihtuah tura member rinawm ni tura in pe te hian, Ram leh Hnam chu engtin nge kan humhalh ang tih hi heti zawng hian i ngaihtuah teh ang u. KAN RAMIN CHHANTU A MAMAWH :

Kan pi leh pu te hun lai atang tawh khan kan ram hian chhan angai a. Ram hmangaihtu kan Lal te leh kan pasaltha te khan kan ram leh hnam, kan zalenna humhim nan nasa takin tan an lo khawh thin. An nunna ngei pawh ram tan an lo seng tawh thin a. Kan ram hian tun thlengin, kawng hrang hrangin chhung lam leh pawn lam atanga min runtu leh min tihchhiat tumtu leh min chimral theituenglai pawhin a nei reng a, heng do let tur hian hmalakna tur pawimawh zual tlem tarlang ila .

1. RAMDANG MI LEH HNAMDANG MITE : Pu Rokunga (RIP) chuan ‘Hnamdang hmusit mai lovin thiana'n i sawm ang u' a ti a. Ni e, kan hmusit tur a ni lova, kan tina ngawt tur pawh a ni lo. Dan ang taka kan ram a lo lutte chu kan biak that a, mamawh kan in thleng tawn pawh a tha e. Hetih lai hian dan lova lo lut te, mahni hmasial taka kan thau sawh tum a, thil tha lo tinreng rawn pulut hreh miah lo vai leh Foreigner te erawh hi chu, thiana siam kan ba lova, an thianah min siam bawk lo sela, an lakah hian kan ram hian ‘Min humhalh lul rawh’ tiin min au a ni. Kan chhehvel State thenkhat te anga

2. INTODELH A TUL :

Kan Ram leh Hnam humhalhna tha ber pakhat leh chu kan intodelh hi a ni. Retieh lutuk leh intodelh loh reng mai chuan rilru tha a neih theih loh avangin thil tha lo tih hreh lohna neih a awl thin. Mahni inhralh duh mai na te, dik lo taka sum hmuh pawisak lohna te, rinawm tlakchhamna te a keng tel vek a. Hnam inlungualna tak tak a awm thei lo. Chuvangin Ram leh Hnam Humhalh duh tak tak chu a thatchhe thiang lova, hnathawh hreh a nei tur a ni lova, a rinawmin a rintlak bawk tur a ni. Engtinne ka dinchhuah ve ang ? tih hi YMA member rilru put hmang tur chu a ni dawn lawm ni ?

3. HNAM ZIA (CULTURE) HUMHALH :

Kan pi leh pu te kha an thatchhe ngai lova, an intodelh a, mahni hma an sial ngai lo. Kan hnam ze tha chhawm nung turin an tang mar reng thin. An hawihhawm em em a, tlawmngaihna an vawng nung a, rinawmna, chhelna, huaisenna an in zirtir reng thin. Hengte hi kan chhawm nun zel a tul. Aia upa zahna te hi chhawm nung reng turin YMA Member te hian mawh kan phur a ni. Kan veng tlangval te hi fakawm tak tak ka hmu fo thin, thlanlaihna ah leh chhiattawhna hmundangah leh hnatlanna hmunah te aia upa leh hruaitute mitmei veng thiam tam tak kan la nei a, a lawmawm ka ti thin khawp mai.

4. HNAM INPUMKHATNA :

Tunah hian Mizoramah mihring nuai sawm leh singkua vel chauh kan la awm a ni a. India ram puma vai kan tih te nen in hel Phek lina-ah zawm.....

NEUVA

¤ An section atangin heng mite hian Matric tha takin an pass-a, an lawmpui 1.R. Lalthlamuanpui d/o Lalrinchhana - I Letter in Mizo
 2.G.C Lalhlengliani d/o Vanlahngurliana-I
 3.Lalhmangaihi d/o Laltlanliana II Div
 4.Lalnunluanga s/o Chawngzamlova - I Div. Letter in Science, SS
 5.Deborah Lalhraizeli d/o C. Lalmalsawma - II 6. Lallawmzuali d/o Lalthanruma-II 7. Josephine Lalrintluangi d/o F. Lalrinzuala - II
 8.H. Vanlallawmawmi d/o HVL Zasanga - III
 ¤ Heng bakah hian chhuah hmiahpalh an awm chuan hruaitute hriattir nise.
 ¤ Karleh hun remchang ah Section meeting koh tum a ni.
 ¤ Pu Johny Lalsangliana leh Pu Zonunsanga te damdawiin a awm chu dam taka an rawn chhuah leh thuai an beisei.
 ¤ Section huam chhungah thil bo a tam avangin Section hruaitute Duty thin.

TAITESENA

¤ An member Pu R Lalthankima'n a boral san chu an ui hle a, khawhar chhungte Pathianin a awmpui zelna atan duhsakna an hlan.
 ¤ Ni 24.4.2012 (Thawhleh) ni zan hian Committee neih tum a ni.
 ¤ Section atang a HSLC pass tharte:
 1.Lawmawma Chawhte s/o C Lalmuankima Dist (E,Mz)
 2.Lalrifela s/o Lalfakthanga Dist (Eng,M,Mz,SS) 3.Vanlalhmuchhuaka s/o Lalfakthanga Dist (Mz,SS)
 4.Lalchhuanmawia s/o Lalchungnunga 5.Samuel Laldingngheta s/o K Lalremruata Dist 6.Vanlalruatzela s/o Rohlua I (Mz) 7.Vanlalvenpuia Chawngthu s/o Lalchungnunga I 8.Malsawmtluanga c/o PLalramliana III 9.Vanlalnunpuia s/o Lalthankima I(Mz) 10.Lalrinmawii d/o C Lalhanzuala Dist (Mz,E,M,Sc) 11.Mamsawmzuali Sailo d/o Satluanga Sailo Dist (Mz,E,Sc,M,SS) 12.Eden Lalremtluangi d/o Lalsangzuali II 13.HLalhanzuali d/o H Thangdailova I 14.C Lalremsangi d/o Lalbiaksangi I (Sc,E) 15.Catherin Lalruatkimi d/o Dengchhuana II 16.Laladinpuia c/o Lianvela III 17.Zonunmawii d/o C Lalnghilhlova III
 Hmaih palh kan awm chuan section hruaitute hnenah in hriattir tur a ni.
 ¤ Rokhawlhna awm loh chuan Ni 24.4.2012 hian Section Committee meeting tum a ni.

VANAPA

¤ Ni 14.4.2012 (Inrinni) khan nilengin hruaitu hnatl Lang an nei a, kham atanga lung lum leh mai thei te an vaw keh. Local Council member te leh Councillor-Pi Zamanthangi'n hnatl Lang an tawiawm a, Councillor hian Rs 500-in hnatl Langte a pui a, an chungah an lawm hle.

¤ Pu Laldawnglu, Civil Hospital a awm mek chu dam taka a lo chhuah leh thuai an duhsak.

¤ Heng mite hian Matric tha takin an pass-a, an lawmpui hle

- 1) Reuben Lalhmingmawia s/o Roluahpuia - Distinction
- 2) F. Lalrinzuala d/o F. Lalramzauva-I
- 3) Vanlalremruata s/o VL. Thakima-II
- 4) Lalhraizela s/o Gordon Zosangliana - II
- 5) Lalrinawmi d/o Zairemthanga -II
- 6) Lalnunsanga s/o Lalsawia Hmar-II
- 7) Lalhuliana s/o Lalbiakmawia - III
- 8) Lalhmingsangi d/o Kaphnuna -II

9) Lalsangliani c/o Rosiami -I

¤ YMA AW Agent atan Tv. Lalnunhlima (VPA) ruat thar a ni a, kar leh atang chuan ama hnen atang hian a semtute'n YMA AW lak thin tawh tur a ni ang.

CHAWNGBAWLA

¤ Ni 17.4.2012 (Thawhtan) ni khan Emmanuel Zairemmawia, Thla 4 s/o Vanlalpeka chuan chatuan ram min panson a, a kalsan tak a chhungte an tawrhpuia hle.

¤ Ni 18.4.2012 (Nilai) ni khan Samson Vanlalnunmawia, Thla 4 s/o Lalvenpuia ruang chu Pu R Lalhmingthanga In ah chawlhpui anih hnuin an khua Bungtlang pan pui a ni.
 ¤ Pu R Thansanga (RTS) damlohnna avanga Vellore a thang mek pawh dam taka an lo haw leh thuai theihna atan duhsakna an hlan.

¤ Ni 24.4.2012 (Thawhleh) ni zan hian Section Committee neih tum a ni.
 ¤ HSLC result chhuak ah heng mite hian hlawhtlinna an chang.

1. Lalrinchhana s/o MalsawmhluaI (Sc,E)
- 2.J Lalrinchhana s/o Lallawmpuia I
3. HT Lalhriatpuia s/o H Lalbiakmawia I (Mz)
4. Lalchhuanthanga s/o D Kapa Dist (E,Mz,SS,Sc)
5. Ricky Lalngaihzuala s/o Ramthanzuala I (Mz)
6. Rodingliana s/o Lawmkunga I (M)
7. C Lalremruata III
8. H Lalrinhlui d/o H Lalchuanawma II
9. C Zonunsangi d/o C Vanlalruata(L)

Dist (SS,Sc,Mz) 10. Lalnunziri d/o B Lalrinsanga Dist (Sc,E,Mz)
 11. Lalhmangaihsangi d/o T Lalhazuala (L) II 12. C Lalduhzuali d/o C Lalsanglura III 13. Malsawmdawngliana s/o Zoramthara II 14. Lalrinmawii Rokhum d/o Rohmingliana II 15. Lalrinzuali Rokhum d/o Rohmingliana II 16. Ruthi Lalremmawii d/o Zodingliana Dist (SS,Mz,M) 17. HT Lalrinsangi d/o H Lalbiakmawia II 18. Lalrempui d/o Lalremchhunga II

¤ Zirna a hlawhtling zawng zawnge an lawmpui a, hlawhtlinna la chang ve late pawh hlawhtling ngei tur a, tan la sauh sauh turin an fuih ani. Result chhuah hmiah palh a awm chuan hruaitute hriattir ni se.

¤ An section chhung a zirna In Springdale School leh New Horizon School of Education te'n Result tha tak an neih avangin an lawmpuiin an chhuang hle.

KHUANGCHERA

¤ Ni 24.4.2012 (Thawhleh zan) hian committee koh tum a ni.

¤ YMAAW man khawn fel thawkhat tawh a ni a, la pe remchang lo chhungkaw tlemte awmte pawh lo pe thuai turin an ngen.

¤ Section huamchhunga ualau taka zu in leh rui thinte ti tawh lo turin an hriattir.

¤ Chhungtinte mahni in leh a vel vawngfai turin an inchah.

¤ An section atangin heng mite hian Matric tha takin an pass-a, an lawmpui hle.

1. Lalhruitluanga s/o T. Lalmalsawma (L) Distinction
2. Lalremtluanga s/o K. Lalengmawia (L) Distinction
3. Lalpianruala s/o Lalchawimawia I
4. Lalremruata s/o Vanlalzarzova I
5. Lalramchuana s/o R. Laldinsanga (L) I
6. Lalremruata s/o Lalrinmawia Ralte I
7. Lalmuanzova s/o Lalengmawia I
8. Lalbiakdika s/o Lalrochama II
9. Lalrampuia s/o Lalthavunga (L) II
10. Lalhmangaihzualas/o Ramfangzauva II
11. Lalhruitluangi d/o R. Malsawma II
12. Lalbiakzuali d/o H. Laldingliana II
13. Cindy Lalruatfeli d/o PC Lalrosangpuia II
14. Elizabeth Remsangzuali d/o Lalrinliana II
15. Lalawmpuia d/o Lalbiakliana II
16. Lallianpuia s/o Sangthangpuia III
17. Lalrinkima s/o K. Lallawmzuala III

Result chhuah hmiah palh a awm chuan secretary hnenah hriattir tur a ni e.

HRIATTIRNA

Vanapa Section huamchhung, Pu Lalkunga te kawmchhak lam atanga lung rawn vawm thla thin kha mi paw i khawih tlat mai a, mihring i vawm fuh a ni. Rawn vawm tawh lo turin kan hriattir a che. Man chhuah i nih chuan a pawi hle ang.

CWSC NEWS

- 1) Ni 23 April - 5 May 2012 a MFA Cup neih turah Chanmari West Sporting Club chuan Champhai team an thleng dawn a, YMA Zawlbul riah nan Chanmari West Branch YMA chuan a phalsak chu Club chuan YMA chungah lawmthu an sawi tak meuh meuh a ni.
- 2) Sporting Club team C WFC chuan Ni 23 April 2012 khian Mualpu-ah Kolasib team nen dar 1:00 pm ah MFA Cup hi khelh a ni dawn a, Veng mipui tawiawmna an ngen.

ADVERTISEMENT

Chanmari West Anganwadi Centre - II leh Centre - III-a helperte Dt 1.5.2012 a an lo chawlh dawn tak avangin an aiawh tur lak a ni dawn a, Chanmari West veng chhung mi ngei naupang enkawlna / kaihruaina lam tui mi, Class VIII pass chin kum 18 chin chunglam hmeichhate tan dil theih a ni. Diltu chuan an dilna-ah a hnuiai kaihruaina tarlan ang hian an nihna an ziak lang ngei tur a ni a, Dt 27.4.2012 (Friday) tlai dar 6:00 hmain Chairman/ Secretary Anganwadi Co-ordination Committee-te hnenah an thehlut tur a ni. Dt 30.4.2012 (Monday) zing dar 7:00-ah Pu F. Zosanga Chairman, Co-ordination Committee inah Interview tur a ni.

HMING : (Hawrawppuiin)

Pa Hming :

Pianni, thla leh kum :

Edn. Qualification :

Awmna Section leh House No :

Contact No. :

FREE CLINIC

Ni 25 & 26 April 2012
hian Free Clinic Dental Plaza,
Vaivakawn-ah neih a ni dawn a,
ha leh ka chhung lama harsatna nei
te tan a thlawn a in entir theih ang.

DENTAL PLAZA

Vaivakawn, Taxi Stand bul
Dr Maeni (9089733619)
Dr Maziri
Receptionist 9615576401
Time : 10:00 am - 4:30 pm

FOOTBALL NEWS

- » Ni 23.4.2012 (Thawhtanni) dar 1:00 hian Rajiv Gandhi Stadium, Mualpuiah Kolasib FC nen 13th MFA Cup-Opening Match an khel dawn, Ni 27.4.2012 (Zirtawp) tlai dar 3:00 ah Theiriat FC nen an khel leh ang, veng mipuite tawiawmna an ngen e.
- » Vehbur khawn mek a ni a, tlawmngaia lo petute chungah lawmthu an sawi a. Tin, la khawn lohte pawh tlawmngaia lo pe turin an ngen.
- » Football Club Logo insiamsiak chu April thla chhung hawn a ni a, a siame chuan Pu RK Rozidina hnenah thehluh tur a ni e. Tin, Facebook lamah pawh tarlan theih a ni bawk e. Lawmman atan Pendrive 8GB siam a ni e.
- » A tul anga sum leh pai lo tumsak tu Pu F. Thangpuia, Manager chungah an lawm hle.
- » Sum tuaknan Euro-2012 fixture zawrh a ni a, a duh tan hruitute hnenah Rs 10-in lei theih a ni e.
- » Vawiin tlai dar 2:30 hian Pu C. Vanlalhrauaia (CH-sect) inah hruitute kalkhawm tur a ni e. Thu pawimawh tak ngaihtuah tur a awm a, ngai pawimawh turin an inhriattir.

ZOFA news

- » Art & Culture Dept atangin Thangchhuah Puan leh Dar Bu tha tak an lei thar. Lo buaipuitu Pu K. Rosiama leh Pu Zohmingiana (Atea) te chungah an lawm hle.
- » Lam zir runpui neih tum a ni a, member-te lo inring turin an inhriattir.
- » An member HSCLC pass tharte an lawmpui hle.

CWSC volleyball

- » D-3 Inter Village Volleyball Tournament ah Semi Final an thleng a, Nursery Local Council te nen inkhel in an vanduai ta a ni. Local Council te leh veng mipuite tawiawmna avangin Sub-Committee chuan lawmthu a sawi tak meuh meuh a. Veng mipuite beisei an pha lo erawh pawi an ti hle.

- » Ni 10 April 2012 (Thawhtan) ni atang a tan 2nd Division Season Ending Tournament khelh mekah ni 19.4.2012 khan Quarter Final ah Phunchawng SC hnehin, ni 20.4.2012 khan Semi-Final ah Chawnpui SC an hneh leh a. Ni 21.4.2012 (Inrinni) ah Dawrpui Vengtar SC nen Final hi an khel leh a. Result kan hre hman ta lo.
- » 2nd Division Players te thawhrimna avangin Season tharah chuan 1st Division ah an inhleng kai a. Sub-Committee chuan Players te in peknah lawmthu an sawi a ni.

Phek thumna zawnma.....

nuai dawn ila Mizo pakhatin vai sangkhat vel zel kan hmachhawn a ngai dawn a ni. Heti zat lek kan la ni chung hian a inla hrang zawng leh inthendarh zawngin kan la khawsa chho reng bawk. In pumkhat lo leh chibing anga inla hrang tham kan awm lo. Hetiang tireh a inpumkhatna tana hma lak hi kan tihtur pawimawh tak a ni.

5. ZIRNA UAR LEH NGAIH HLUT :

Thalai, rual el, thiamna leh finna kawnga intlansiak a tul zia hria a bei mek tam tak an awm laiin, nu leh pa thawh chhuah ring a chawmhlawm hawi pir ve ringawt, thalai hmathlir nei miah lo, mi duh ang engkim duh ve tho si kan thalai te zingah kan pung chak hle mai. Heng mite hian Ram leh Hnam Humhalh tura ke pen turin chakna thahrui an nei thei ngai lovang. Thalai lehkha thiam leh hawi zau kan ramin a mamawh tam deuh deuh dawn. Chutilochuan hnam dangin kan Sorkar hna lian an chang zo ang a, nakinah Industry lian pui pui kan la neih turah te hmun an luah zo mai ang tih a hlauhawm khawp mai. Tan lak ava ngai tehlule!

6. ZU LEH RUIHHLO :

Zu leh ruihhlo hi kan khawtlang nun ti khaw lo tu, chhungkaw chawk buai tu leh ti tlaran tu, min ti ralit tu leh thihna tam ber thlen tu a nih avangin kan do lo thei lo. Chuvangin a zuartu te hi kan ram hmelma anni a. A tih chingte leh ruh avanga mi pawi sawi leh buaina siam chingte chu Ram leh Hnam Humhalh nan chuan kan zilh ngam tur a ni. Hetiang tih ching ten puipunnaah hmun tha leh langsar lai an chan pawh kan phal loh ngam a tha ang.

Awle, heng kan sawi tak te hi a hlawhtlinna tak tak chu tun maiah kan hmu nghal mai lo a nih pawhin, kan kumpuan ang hian thahnemngai taka kan thawh chuan, engtik hunah emaw chuan Mizote hi Zoram nuam, khawtlang tha tak leh chhungkaw hlim tlang leh lungrual min neih tir ang tih beisei ila, chutiang dinhmun a kan la din theih nan he "Ram leh Hnam Humhalh" kumpuan hi hmang tangkai ang u.

Lawmthu

Kan tupa Samson Vanlalnunmawia S/o Lalvenhima thla 5 chuan Ni 18.4.2012-ah Aizawl Civil Hospitalah min boral san a, thenawm khawveng min tanpuitu te, an khua Bungtlang pan puina tura Bus neitu Pu K. Chalmana te chungah leh Chanmari West Branch YMA ten zanlaiah kuang mawi tak min siam sak bakah a tul ang ang a min buaipui avangin kan lawm hle a, lawmthu kan sawi a ni.

R. Lalhmingthanga te Nupa CH Section.